



Lembaran Pendedahan Produk

Tokio Marine Combined All Risks Plus

Sila baca Lembaran Pendedahan Produk sebelum anda membuat keputusan untuk memilih Insurans Tokio Marine Combined All Risks Plus. Pastikan juga anda telah membaca termasuk terma dan syarat-syarat am.

NOTIS PENTING

Manfaat-manfaat yang dibayar di bawah sijil/polisi/produk yang layak adalah dilindungi oleh PIDM sehingga had perlindungan. Sila rujuk [Brosur Sistem Perlindungan Manfaat Takaful dan Insurans PIDM](#) atau hubungi [Tokio Marine Insurans \(Malaysia\) Berhad](#) atau [PIDM](#) (layari www.pidm.gov.my).

1. Apakah produk ini?

Produk ini memberikan perlindungan menyeluruh seperti :

- Seksyen 1 - Kebakaran
- Seksyen 2 - Wang
- Seksyen 3 - Kecurian/Rompakan
- Seksyen 4 - Kaca
- Seksyen 5 - Jaminan Kesetiaan
- Seksyen 6 - Kerosakan Jentera
- Seksyen 7 - Semua Risiko (kecuali kebakaran dan peril tidak berkaitan seperti yang dinyatakan berdasarkan tarif kebakaran dan kecurian)
- Seksyen 8 - Liabiliti Awam
- Seksyen 9 - Kemalangan Diri Berkelompok
- Seksyen 10 - Kesilapan dan Ketinggalan

2. Apakah perlindungan/manfaat yang disediakan?

Polisi ini melindungi :

- Seksyen 1 - Kerugian atau kerosakan harta benda disebabkan kebakaran, kilat dan/atau peril khas tambahan seperti yang dipilih dengan membayar premium tambahan.
 - Perlindungan dilanjutkan untuk melindungi:
 - Kecurian semasa atau selepas kebakaran (tertakluk kepada had RM5,000 untuk sebarang kerugian dan agregat)
 - Manfaat Elaun Kesulitan (tertakluk kepada had RM1,000 untuk sebarang kejadian dan agregat)
- Seksyen 2 - Kehilangan, kemusnahan atau kerosakan wang semasa dalam transit atau ketika disimpan di dalam premis anda.
- Seksyen 3 - Kerugian atau kerosakan akibat kecurian berikutan pecah masuk secara kekerasan dan keganasan.
- Seksyen 4 - Pecah dengan tidak sengaja pada kaca yang dipasang pada bangunan.
- Seksyen 5 - Kerugian akibat penipuan dan ketidakjujuran yang dilakukan oleh pekerja.
- Seksyen 6 - Mana-mana kehilangan atau kerosakan fizikal yang tidak dijangka dan secara tiba-tiba ke atas jentera (lif, penyaman udara, penjana, pengubah, alat pemadam api dan sebagainya)
- Seksyen 7 - Kehilangan atau kerosakan akibat kemalangan atau kecelakaan.
- Seksyen 8 - Kehilangan atau kerosakan pada harta benda atau kecederaan badan Pihak Ketiga akibat kecuaiannya anda.
- Seksyen 9 - Kematian atau hilang upaya kekal.
- Seksyen 10 - Perlindungan untuk tuntutan salah laku dan dakwaan salah laku yang dikenakan ke atas anda, bekas ahli Badan Pengurusan atau Badan Pengurusan Bersama dan/atau ejen pengurusan anda yang dilantik oleh Pesuruhjaya.

Tempoh perlindungan adalah selama satu tahun. Anda dikehendaki memperbaharui polisi insurans anda setiap tahun.

3. Berapakah premium yang saya perlu bayar?

Jumlah premium yang perlu anda bayar ialah : RM _____

4. Apakah yuran dan bayaran yang saya perlu bayar?

- Cukai Perkhidmatan (jika ada) : 8% daripada premium
- Duti setem : RM10.00
- Komisen dibayar kepada pengantara insurans (jika ada) : 15% daripada jumlah premium atau RM _____

5. Apakah terma dan syarat utama yang saya harus ketahui?

- Kepentingan pendedahan - anda dikehendaki mendedahkan semua fakta material yang anda tahu atau patut tahu; jika tidak polisi anda mungkin dianggap tidak sah.
- Anda perlu memastikan harta benda anda diinsuranskan pada jumlah yang berpatutan dengan mengambil kira pengubahsuaian yang dilakukan kepada harta benda anda.
- Anda boleh memilih untuk menginsuranskan harta benda anda atas dasar Nilai Pasaran atau Nilai Pengembalian Semula:
 - a) Dasar Nilai Pasaran - pihak kami akan membayar kos pembaikan ke atas harta yang rugi atau rosak setelah ditolak jumlah susut nilai.
 - b) Dasar Nilai Pengembalian Semula - pihak kami akan membayar kos penuh untuk pembaikan harta yang rosak tanpa menolak susut nilai, dengan syarat jumlah perlindungan adalah mencukupi untuk menampung jumlah kos pengembalian semula harta tersebut.
- Sekiranya jumlah yang diinsuranskan dalam polisi adalah kurang daripada nilai sebenar pada waktu kerugian berlaku (contohnya berkurangan insurans dan anda dianggap akan menanggung sendiri perbezaannya), syarat purata akan dikenakan jika berlaku tuntutan.
- Anda boleh menggunakan Kalkulator Kos Bangunan PIAM (Kalkulator) untuk membantu anda menentukan Jumlah Yang Diinsuranskan untuk hartanah kediaman, rumah kedai dan pejabat anda dengan mengakses Kalkulator melalui laman web kami di www.tokiomarine.com atau laman web PIAM di www.piam.org.my.

- Lebih, jika ada, adalah jumlah yang dinyatakan di dalam polisi yang harus anda tanggung sendiri sebelum kami membayar sebarang tuntutan kepada anda.
- Perlindungan di bawah Liabiliti Awam - anda tidak harus mengakui, menawarkan, menjanjikan atau membayar kepada pihak yang menuntut tanpa kebenaran bertulis daripada kami.
- Anda harus memaklumkan pengantara insurans anda atau kami secara bertulis tentang sebarang perubahan material sepanjang tempoh polisi supaya pindaan yang wajar diendoskan pada polisi anda.

6. Apakah pengecualian utama di bawah polisi ini?

Polisi ini tidak melindungi :

- Sebarang kerugian turutan
- Denda, penalti, ganti rugi punitif & teladan
- Risiko perang dan sebarang tindakan keganasan
- Risiko radioaktif dan tenaga nuklear
- Tuntutan berpunca dari "Sindrom Toksik Protein Lateks" dan Asbestos

Nota: Senarai ini bukan senarai lengkap. Sila rujuk contoh polisi untuk senarai penuh pengecualian di bawah polisi ini

7. Bolehkah saya batalkan polisi ini?

Anda boleh membatalkan polisi anda dengan memberi notis bertulis kepada kami. Selepas pembatalan, anda layak mendapat pemulangan premium ditolak premium pada kadar tempoh singkat bagi tempoh polisi yang telah berkuatkuasa, tertakluk kepada premium minimum yang dikekalkan oleh pihak kami. Tiada pemulangan premium dibenarkan jika terdapat tuntutan di bawah polisi ini.

8. Apakah yang harus saya lakukan jika terdapat perubahan dalam butiran peribadi saya?

Adalah penting bagi anda untuk memaklumkan pihak kami tentang sebarang perubahan mengenai maklumat anda bagi memastikan semua surat-menyurat dapat disampaikan kepada anda tepat pada masanya. Anda boleh memberikan maklumat anda yang terkini melalui ejen kami yang diberikuasa, cawangan atau perkhidmatan pelanggan kami.

9. Dari manakah boleh saya dapatkan informasi yang lebih terperinci?

Sekiranya anda memerlukan informasi tambahan tentang Insurans Tokio Marine Combined All Risks Plus atau mana-mana jenis produk insurans yang lain, sila hubungi kami atau mana-mana cawangan atau pengantara insurans anda atau layari laman web kami di www.tokiomarine.com

Tokio Marine Insurans (Malaysia) Berhad
Level 20, Menara Hap Seng 3,
Plaza Hap Seng, No. 1, Jalan P. Ramlee,
50250 Kuala Lumpur.

Customer Service Hotline: 1800 88 0812
Email: letusknow@tokiomarine.com.my

10. Jenis perlindungan serupa yang ditawarkan

- Combined All Risks
- Polisi Kelas Individu

NOTA PENTING

Anda hendaklah membaca dan memahami polisi insurans dan berbincang dengan pengantara insurans anda atau hubungi terus kami untuk keterangan lanjut.

Informasi yang disediakan dalam lembaran pendedahan ini adalah sah pada 01/03/2024

Tokio Marine Insurans (Malaysia) Berhad dilesenkan di bawah Akta Perkhidmatan Kewangan 2013 dan dikawalselia oleh Bank Negara Malaysia.